



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Archadivs M. 12. Ianuar.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

pendium. Iam mortis memoriam suis impensè commendavit. Eum in finem sepulchrum quandoque fieri iussit, rogavitque ecquis eo tumulari vellet. Voluit Basilus quidam, qui mox suavissimè excessit è vitâ, nec tamen in odeo sacro vel videri, vel audiri desiit. Prænobilis matronæ filio, dum inter pueriles ludos, lapsus in fontem cadit, absens THEODOSIVS, adfuit tamen spectabilis, & ne aquis mergeretur innocentia, cavet. Vestis ejus cilicina militum Duci vicem lorice fuit, & victoriam peperit. Sed & tibi contra hostem intestinum victoriam spondeo, si similis utaris lorica. *Ex Surio.*

S. ARCHADIUS M. 12. *Januar.*

More Solis virtus hoc pulchriùs nitet, quò diutiùs latet. Testem ARCADIVM adduco. Hic savientibus ubique terrarû in Christianos tyrannis, five homo timore aliquo, five CHRISTI mandato inductus, posthabitis fidei fortunis omnibus, fugâ se subduxit, & aliquandiu latebras habitavit. Sed nimirum ut vinceret fugit; ex latibulis suis velut insidiis hostem expectavit. Etenim cum irruptione in domû factâ, & non reperto ARCADIO, ad tribunal de amicis ejus quispiam raperetur, continuo adfuit; circumventum inexpectatò tyrannum graviterq; increpitum
C 3 iussit

iussit omnes pœnas in se experiri: acie
 tormentorum instrueret tyrannus, in-
 genio etiam certaret, in auxilium alios
 etiam tyrânos evocaret, omnes in sub-
 sidiis carnifices constitueret: sese uni-
 cum contra omnia tormenta etiam nu-
 dum staturum, solâ patientiâ pugnatur-
 um, ostensurumque eâ dimicatione,
 quantum inermis Christianus omnibus
 minis, & tormentis armato tyranno
 præstaret. Desperavit jam tum iudex de
 victoriâ, & sententiam tulit, quâ ma-
 nibus ac pedibus mutilari ARCADIVS
 jubebatur. Hic fixis celo oculis inter
 divinas laudes, supplicii locum magna-
 nimus petiit, membra ad laniendam ipse
 nudavit, ipse singula truncanda exhi-
 buit; itaq; sanguinis sui purpurâ splen-
 didus, sine pedibus ad martyrum tamê
 partes transivit, sine manibus palmam
 tamen cepit. *S. Zeno Ep. Veron.*

S. GODEFRIDVS COMES,

13. Ianuarii.

DVxit GODEFRIDVS Cappenber-
 gensis Comes genus suum è Regio
 sanguine. Prædantium suorum militum
 licentiam, si quisquam alius, frenavit,
 gnarus militum prædam Ducis esse fur-
 tum. Arcem suam in cœnobium ver-
 tit, & D. Norberti familiæ transferipit,
 cum omnibus fortunis, quibus præcla-
 rum auctarium unâ cum fratre Ottone
 ipse